

仲蔚先生集

仲蔚先生集卷之六

卷之六
翁允文著

七言律詩

送顧子韶副使遊武林

君到長堤興自豪，只應今日作遊遨。
青浮湖色兼松色，雲接南高與北高。
桂子月中堪進酒，梅花祠畔可停舸。
懸知八月枚乘筆，為寫錢塘白馬濤。

王太史宅碧牡丹次王元美一首

當時魏紫與姚黃家家爭看牡丹芳其如冷焰
含虛碧別有奇姿吐異香不比珠林閒處種全
勝金谷醉時妝托根況在青雲裏三月韶光此
日長

漂母墓

西望淮陰淮水濱荒墳寂寞漢碑平王孫未遇
封侯日漂母能深國士情一飯輒將枵腹飽千
年猶使壯心驚思多只在艱難際此後投金事
亦輕

愛妾撫馬

妝成豔質繡香車
撫得名駒膝渥注
不惜雙蛾怨紅粉
翻憐一騎入黃沙
青絲緩控先過市
翠被纔薰已別家
空有桃花好顏色
羞將顏色比桃花

奉荅輔國將軍豫章朱用晦次韻一首

頻年遷次少
過從千里驚
看一雁通南郭
繁雲還易合
西園明月更難同
虛名已擲風塵外
長句時成感慨中
最是梁王能好客
肯來分餉鹿

皮公

建正三

賦得龍石贈休寧程子行

誰知翠壁有龍埋
一夕風雷忽自開
天上飛騰初脫骨
洞中痕跡已辭胎
猶疑水氣含雲動
直恐珠光換電來
異物自于人意合
懸知君有出羣才

有懷金陵舊遊作

千古金陵勢尚雄
九門佳氣曉葱葱
長堤碧樹王城外
落日金鳬紫禁中
鍾嶺雲深時見鹿
北

湖波靜有飛鴻六朝舊事今何似應有秦淮月
色同

送馮山人遊廬山

聞向廬山訪三隱令人却憶此山阿香鑪雲氣
時時滿瀑布泉聲處處多李白長謠從此發謝
公佳句復如何清暉信是能娛客直渡潯陽九
派波

冬夜同王副使元美進士敬美許給事伯
雲宴陸桴原林亭送徐使君子與分得花

字

寒城嚴鼓夜頻過此夜偏驚歲月加雁足銅盤
燒絳蠟鬼丸泥火印丹砂人間共醉千季酒天
上時芳六出花寂寂坐溪邊舊賞思君一倍惜
季華

春寒有懷

一春寒雨歎蹉跎花落空林長薜蘿綠陰不
行客少蒼池自養雜魚多高齋獨喜雲霞入老
病虛擔歲月過心事茫然何所有賦詩祇許寄

羊何

謝靈運登臨海嶠詩與侯第惠連見羊何共加之羊何東海何長瑜太山羊晞之

除夕陸光祿文遺新曆烏薪作此奉謝

高卧無心歲月遷
門前綠水地仍偏
烟霞室靜長生白
薜荔帷淡百草玄
重荷烏薪暄永夜
兼將鳳曆報韶年
踈慵每媿追陪久
數枉緘書意獨憐

聞張尚書軍至蘇州

漢家十葉中興主
經濟艱難屬上才
萬里鯨鯢傾日域
一時羆虎下雲臺
行營盡日朱旗繞
吹

角清秋玉帳開看取功成多拜爵大封京觀海
東來

毛女

千年肌骨透奇香剝棗食花葉作裳漢代羽毛
何日長秦宮珠翠幾時妝白雲有路金梯接青
草無人玉洞荒欲去暫留烟霧裏亂峰迷處半
斜陽

安石榴擬應制

五雲香駕碾春雷紫禁朱榴范露開萬里遠辭

秦塞出一枝新
逐漢臣來已看接翠啼嬌鳥別
有連珠腴早梅聞道南來能釀酒大宮先進萬
年杯

早梅擬應制

漢主重開上林苑江梅爭獻萬方來詎誇已樹
連冬發自有林花映雪開曲裏纔聞驚早落妝
前初拂闌新裁懸知解結連珠實長使和羹屬
上台

江南感事和朱察卿二首

詔書天上下將軍萬里徵兵羽檄聞龍鱗連星
銷苦霧桂旗斜日卷高雲帳中夜起平遙曲海
上朝傳喻蜀文行佇鳳京多奏凱重看佳氣遶
氤氲

占募經年到海涯甘心赴國豈辭除一身屢破
重圍出百戰長酣暮景斜樯上神駒嘶紫燕腰
間雄鯨虢青蛇借問軍中誰第一木蘭肝膽盡
胡沙

寄陝西王大參明輔一首并送玉環一枝

萬里遙心寄玉環使君於此濟時艱
深衷已覺行藏古大雅能令案牘閒
胡塞風高如劒戟秦關月滿似刀鏐
此中豈是淹留處借問何時可復還

王百穀半偈菴新成一首

聞君高隱戶長扃百轉流鶯懶去聽
天際浮雲終變滅松根軟草足沉冥
無心自結蓮花偈有髮能翻貝葉經
還憶去年燕市裏春風日日不曾醒

落日浮舟過虎山橋望洞庭諸山

向晚乘舟過虎谿山山落日洞庭西五湖新水
垂烟釣萬頃平疇帶雨犁天外白鷗波上下雲
中緇嶂樹高低自知疎懶多違俗便欲携家就
隱樓

潘侍御巡按嶺表有甘露降于庭樹同諸
公之作

牙冠白筆簡書飛節使橫行出禁闈已見霜威
淩草木忽驚天酒下霏微光分曉閣明珠珮色

借晴林引繡衣
此日仙璽調玉上懸知
明主賜恩輝

送邵參將赴惠潮

六載平戎有大勛
樓船橫海拜將軍
帳中高枕雄三略
天上徵書下五雲
金虎按行榮去節
銀鞍送別悵離羣
春風萬里潮陽路
唯有蓬心可贈君

送廣西計教諭遷國子博士

三年鱣館重諸生
此日雙龍關下行
莫以一經

淹散秩還摧五鹿著高名烟拖柳葉離亭晚水
長桃花去棹輕自歎相如多老病春風不解別
離情

元日次王允美韻

經旬雨雪送春晴啼鳥關關枕上驚病骨逐年
添偃蹇壯心垂老尚崢嶸避人自矚庭前樹佳
句還傳海上城試問何時移桂楫為澆壘塊待
參橫

紅牡丹得雲字

洛浦年光春已分
名花妖豔摠難羣
仙人畫道丹砂熟
游女通將綠珮薰
日射樓臺千葉起
風吹香靄半空聞
還疑小度巫山峽
散作朝朝暮暮雲

送王允美敬美赴 闕上書

十年懷疏淚長枯
兄弟伶俜滯海隅
此度別離俱慷慨
不知天地有崎嶇
孤忠久抱千秋恨
乞惡方嬰兩觀誅
正是 聖明新雨露
恩波應已浹玄壚

寄李于鱗

海內于今有大名
自耕黃糝隱茅衡
論詩未必推公幹
作賦還應過長卿
萬里白雲知我癖
十年青眼望君情
故人此去多傾倒
况復相違愧此生

貼許明府乞画眉

當窓結樹曉沉沉
山鳥懷春美好音
乍聽去來疑結伴
忽驚宛轉似羣吟
河陽花底棲偏穩
車父絃中韻最深
借問政成多暇日
何時籠寄到

雲林

顧懋儉白雁

朱雁曾聞漢武朝
今看素彩出奇標
衡陽水綠雪仍在
吳苑花紅冰未銷
暗度關山天外曉
孤飛池沼月中遙
此時混色應難辨
還伴青雲上赤霄

白鷺

曾伴烏衣度海雲
獨憐孤潔語慙慙
晴飄白雪光難辨
暝掠青芹色自分
金屋歸時多曙影
玉

自何處來
筐携處每驚
犀梨花深樹
偏留宿故逐
飛花耿夕曛

題葉伯實安石榴圖

萬里移根出大荒
千株曾表上林芳
新栽翠的攢朱葉
嫩簇金牙結紫房
湛液疑含仙掌露
流甘不讓帝臺惲
誰言多子來時晚
總勝春花怯早霜

李于鱗訪王元美兄弟夜經崐山不遂披
觀寄詩存慰次韻奉答

老病經年半白頭時時天際望仙舟不圖往返
俱乘夜自歎蕭條揔是秋在位王陽應念禹窟
居王粲只知劉更期後會嗟何地日把緘書比
舊遊

送談太常詣關上疏乞營先中丞墓田

旋聞服禮又經春千里迢迢謁紫宸一疏淒涼
悲嗣子西朝匡濟失名臣梅花嶺外勲庸盛馬
鬣封前歲月新明主只今存舊德邱山應見起
高墳

憶昔承恩擁大兵，吐懷長策在澄清。
南橫濁海鯨鯢靜，北掃妖氛組練明。
寵極易猜奸自起，功高難掩頌還成。
欣逢此日沾新渥，一雪當年報主情。

早朝

百轉春鶯繞鳳臺，瞳眬宮漏曉光催。
天迴玉輦龍鱗動，日射金莖露掌開。
青瑣侍臣承詔出，朱衣中貴引香來。
懸知此日多延納，誰薦揚雄作賦才。

贈周煉師

仙館寥寥無世情時時室外聽吹笙三山定有
仙人至九轉能無大藥成階下紫芝雲氣養巢
中青鳥羽毛生人間信有無塵境好接盧敖戲
太清

樓居自述

日苦頭風不著冠簷前惟恐鳥聲闌山從野寺
浮青出樹在隣家借綠看架上斷碑秦石刻几
間承水溪銅槩微君養疾無多事臨寫佳書贈

所歡

立秋日同陳庫部徐文學王比部宴集王
使君池亭觀荷比部首為長句二首見示
使君復貽示相和之什仍促和詞遂次韻

二首

使君亭榭倚雲窩並命追涼集後園松迳烟幾
承細草荷池蕭爽助芳尊已辭炙手金魚貴偏
喜清言玉露繁此日歡游多著作謝家才藻愧
諸昆

紵披平岬影玲瓏落晚臨秋歛彩虹色湛仙人
花上露香飄少女葉間風千房細擘抽青蕙一
幹高擎引翠筒別有笙歌未隔浦却扶藁蹇傍
諸公

楊將軍牡丹圖

雒陽三月盛繁華無數姚花與魏花繡幄千重
迷作霧金蘭幾處簇成霞平章宅裏看還少蜀
國圖中見每餘此品只應稱第一但將描寫到
君家

訓南昌余按察德甫次韻

千里江山指顧中
同時何苦不相同
新詩把玩還終日
短札慙慙託便風
自分微寸於世屈
獨憐直道豈天窮
滄洲此路無塵到
信是冥冥別有鴻

送王鴻臚

君王端綏會昌朝
共說中興此日遭
閭闔不時開曉伏
蓬萊何處擁晴旄
風傳玉漏靈虬遠
雲捧金茎露掌高
總領羣班霄漢上
恩榮何必問

官曹

送顧大參赴任貴州兼督湖廣四川三省

糧儲

征旆翩翩節使雄百壺追餞悵臨風雨承露肯

驅馳遠

公自廣西按察副使轉貴州

三省分司部落中東鎮

長沙當楚塞北通蜀道抵蠶叢知君惠政能安

俗早晚聲名達聖聰

訓王中丞元美兼要寫登武當之作

柏府弘開楚蜀偏中丞西去絕烽烟已知坐鎮

多雄畧復睹登高出大篇載記條條分委曲丹
青一一画山川還須楷法成三絕先損荊州五
色牋

雙鳳周文學庭前玉蘭次韻一首

春靜簾櫳淡灑香素姿堪映美人妝含風似覺
晴還好氾露仍疑夜有光不比秋蘭怨濃浦全
勝玉葉媚唐昌偶來整喜逢開日却少移花醉
舞場

仲蔚先生集卷之七

吳郡俞允文著

五言排律

擬元日侍宴應制

青陽開寶曆和澤肇初正
六氣依辰至三光照
物平旌搖天仗暖燎徹
鳳樓晴柏葉傳仙藥
樹花獻玉衡一經撰道
要重席寵朝英黼黻千
官擁魚龍百戲呈睿情
熙浩蕩皇豫屬休明日
月竟冀合簫韶舜樂成
八荒齊蹈舞萬壽協靈
禎

願以微臣陋長瞻聖主榮

擬人日侍宴應制

帝出時乘震天臨屆早陽禁鶯調露嚙堤柳拂
烟長泚氣通午樂榮光繞建章言陪七日賞預
捧萬年觴巧勝傳宮綵妝梅入御香清歌雲外
逸妙舞鏡中翔玉膳和神鼎金壺溢帝祿已欣
承睿渥轉使愧才良有道人俱暢無為物自康
小臣徒雀躍何以荅汪洋

擬十五夜燃燈繼以醺宴應制

慮賞惟稽古，鸞輿展上陽。金吾初放夜，寶炬儼
周行。萬戶呈分彩，千門月讓光。合聲催疊鼓，代
舞按霓裳。火樹開晴焰，天花雜露芳。重關通曙
啓，游騎接雲長。春發遲行漏，寒回薄禁霜。笙歌
平路滿，香靄半空翔。惠洽君臣泰，人和國步康。
方知同鑄飲，化被自無疆。

擬五日望拾採應制

茲辰望拾採，夢候尚清淳。綠艾逢幽客，香茗引
麗人。蘭湯百種氣，菖酒四重醇。赤所懸心小，朱

砂點臂勾約絲投楚鬼凜服祀陳神八字丹書
秋千年命縷新鏡奩開寶月画鷁槍龍津共喜
天中節游娛續上春

擬冬至應制

子月周王正陽文漢律允三光回短晷萬寓渙
湛恩灰管飛緹室珠星映綺門驚時開荔色應
節吐蘭根日氣迎雲淺衆心動谷溫蒼鷹望雉
下綵旄候風騫羣辟方占瑞因知道化尊

從軍行

虜騎初傳寇將軍別置營徠肱求陷陣燕頤請
專征冰壯蛟紋闊霜乾雉尾晴拚弦攢月的鏤
劍寫山精制敵隨形勢全軍出死生怪雲衝障
落吉氣抱鞍行淫黑防流毒山紅偵伏兵雁毛
梳雪短虎蹟湯沙平漢月猶能辨胡星不可名
相看無一語醉拔骨都城

奉贈楚王

上國頻開第高標仰若神藉茅分寶玉連萼眷
金銀梁苑嬉游盛河間著作新郢城思振藻申

白引為賓水泮岷山雪花含郢樹春興優多暇
日禮洽編芳辰服食迴丹景淹留想翠塵何時
小山路千里奉芳茵

張明府秋日登寶山望海同諸公之作

乘秋凌海嶠稅駕眇雲裝想象三山客憑瞻百
谷王浮天吐險介載地表靈長沃日搖千色飛
霞變九光龍宮連島嶼鯤窟限偏荒水府魚鱗
合瓊田草樹香文沙聚雲錦瓊石被銀黃落鴈
迷烟斷鷺帆破浪翔川源窮析木波路浹扶桑

善下功難並神翰德詎量波臣思無已四顧轉
微茫

八月十八日觀濤作

秋濤凌太白萬里奮溟池決膝難為體參神每
應期縱橫騰駭駟駘驛起翔螭臨水悲寬相沉
沙憫孝姬回飈衝浪急淪景出波遲紆鬱鬱蕭
引淹留桂擢嬉煩襟堪澡練高宴喜追隨緬想
枚乘作徒慚黃絹詞

送溫侍御還京師

柏府推公雅乘馳見直羸丹心翰上畧白華著
高名使節臨吳甸征車指帝城勢傾山岳動
風肅海波清柱鐵雄周史埋輪壓漢京三台應
倒席萬里可橫行屈草茅芳盛豪鷹搏擊能定
知旋奏入四海佇昇平

貽王郎中元美二首

族貴分龍節才華壓粉闈詔從三署轉時擬二
星歸已著寬平法能消旱暵威青雲隨望迴白
雪和詞稀暫憩匡時跡還探善者幾曉陰停鶴

蓋秋色引鷄衣羨爾承恩入舍香近紫薇
雅望推王粲英詞重陸機遭逢仍戮力出入荷
恩輝雲署新銜迥星臺舊獄稀中朝隆揖讓下
里失芳菲祖席連吳苑離旌指帝畿銀塘清藹
散琪樹早涼歸計日承明對知君有弼違

贈任別駕遷太倉兵備副使

循吏臨戎日將軍授鉞朝
膝歸千里外敵取萬
人號玉劒秋魂冷金
鑊夜壁遙建牙亭野
色吹
角動陰飈調箏方疑
虎抃弦合隊鵬平吳
杜元

凱破虜霍嫫婁嘗苦天心應巡寒士氣饒佇看
氣稜息還珥漢廷貂

送葛理卿比部奉使減江右刑獄

帝網祛三苗天慈降五年星占方選使華省獨
推賢詔遣平反往權歸用法專蒼鷹慚搏擊白
筆奉周旋山月鳴騶引江雲倚蓋懸齊臺涼吹
襲燕地曉霜翩槁木長思潤寒灰欲起烟惟良
應代出殊渥不時宣多病文園老窮居執戟偏
看君旋奏日高譽逼台躔

送李別駕賀 聖誕赴上都

才以匡時出時當展驥初義高頻解榻名重即
題輿碩画延尊俎深仁決里閭落花公宇靜啼
鳥俗塵踈按縣何辭劇開懷每見虛呂度仍許
與管輅且吹噓征旆三江外長途百舍餘去思
惟酌水遺愛必攀車上最無淹秩新恩會立除
還同歌萬壽長拱北辰居

贈詹處士從柳將軍破山獠一首

匡時趨幕府投筆事推鋒仗鉞驅三畧分符出

五戎來從萬里外轉戰百蠻中月滿軍容肅霜
清鯨氣雄鯨鯢朝聲靜縹緲夜烟空
縹緲山名
縹人居所
才傑陳琳檄英豪劇孟風雲臺鬱高議天闕佇
勲庸此日應旋凱重標漢柱功

奉贈瑞昌王

白茅資石戚朱郎列英藩奕葉神明胄真圖太
乙緒星躔分翼軫天險控荆門盤石周屏固維
城漢輔尊妙書傾北海高宴洽西園香氣分花
出霞光樛樹翻五車承棟起七閣與雲屯入楚

心万切遊梁道即存無因叨臆引接醴侍芳尊

送張明府赴京師

夫子當朝彥高文早見推徒勞綰銅墨况復值
艱危拙官安時論冲懷取路遲賈生多偃蹇亭
伯總流離野雉空吳甸仙鳬向朔垂衰年慚遇
賞指日嘆睽携有地皆遮轍何人不去思山濤
留藻鏡未必久瑕疵

贈鄔駙馬還京師

公才應世出帝室降天姁茅土分封厚山河

命傳宗
異姓親恩深長次骨詞直每批鱗共歎沉淪久
遙知拔擢新近臣今第一簪笏侍丹宸

送顧符鼎奉使冊封晉王還朝

上卿銜命日祖席動羣公世德滋霖雨

君先少傳文康

公在京師時有霖雨堂

時人仰舊風奉詞傳寶冊分錫擬

彤弓魯衛翰屏固河山帶礪同路從三晉遠恩
向二藩通九族應知睦封章奏紫宮

送王別駕遷工部員外郎

佐理頻翰榮仁風徧海隅閭閻工郡遠凋瘵一

時瘵按縣何辭劇疏奸必去尤清心能用簡至
治欲還休列辟推蠶遂中朝仰鄧攸忽承新命
迴方此用賢秋是日爭遮轍由來惜去輶關河
當建節驛路引鳴騶合沓雲初起參差樹復稠
離旌不可望含思竟何抽

秋日園居二首

平生多所乏寂絕反為宜起看遠雲度坐隨浮
景移園同漢陰老竹等渭陽師湘浦獨醒日清
漳抱疾時秋來摠搖落無感不成悲

冥冥秋氣森園柳望中稀容色隨年換天心感
物微夢淡形役苦觀靜俗塵違是日非知命何
年乃息機古來持此者空老北山薇

題周氏園亭

華館遺塵境巖庭隱跡深竒峰夏雲起古樹曉
烟沉曙景通虛幌春叢轉候禽高蹤資僻遠勝
地狎招尋小徑飛梁接交窓暗竹侵焚香汎蘭
氣蔽月下梧陰文几浮鴛錦踈簾障碧潯遙情
屬芳杜清賞隔華簪載筆慚詞客何由振雅音

葉伯宣新亭

古樹芳園匝幽亭梵宇傍
穿池潛引竇開徑屢
鋤荒畝鯉依濃藻丹雘纂
巨房竹疎雲色淨風
細鳥聲長意愜嫌遲往淹
留到夕陽

同曹進士遊虎丘山

近郭竊孤嶂迴巒隱化城
空壇行易響磐石削
難成嵯坼交林合雲消洞
塔晴碧池沉鱗彩銀
海發金精語法天花落鳴
鐘夜梵清連林看竹
至幽葉見茶生曲檻憑丹
壑遙岑竦翠屏松門

華月吐苔迳古烟平致有西山爽能深入谷情
曰君繼幽贊往往欲逃名

王明佐游天池山次韻一首

驚嶺鬱櫛森遶迴遠碧林枕中援秘記

老子枕中記華

山在吳西界可以度難山頂有方池又名
天池池中生千葉蓮花相傳服之羽化

方外

契幽襟荒楚參天色悲松學梵音絕巖無過鹿

芳樹有來禽夏葉千花碎春池八水深繡幡搖

佛影石壁定禪心惠氣憑初地空香散濁陰無

因證三疊揮手弄瑤琴

孔子廟杏壇

緇林遺至化文杏
繞壇開嫩葉宜遲景
新花間早梅近
烟初結霧積雨丰含
苔香逐聞歌鼓陰
隨聽講來逢時應有
數得地不因培長此
尊儒教懸知出衆材

夾綃屏風

趙萼金陵人多伎巧
能以刺帟刺成花竹禽
鳥之狀隨輕濃暈色
鎔脂塗染用吳興輕綃
雙縑夾之稍令映日
則光明瑩徹芬菲翔舞

恍在輕烟之中與真者莫辨王元美兄弟
賦詩讚歎遂有此作

高館宜珎賞綺屏拂翠烟映空雙鳥度照影百
花然羃歷金鑪氣依微玉戶天踈光澄宿靄豔
色駐韶年隱見連珠綴玲瓏間綺錢嫩枝鎔蠟
淺密毳點刀偏雲母蛩鏤薄蛟冰鬼刻妍中郎
慚繕理作賦使人傳

吳山人病瘵

春山路不極更爾夢中賒忽就丹砂鼎迴看玉

洞花悟淡同化蝶
瘞瘵失沉蛇
合喜瘰龍舛俄
聞赴趙嘉時回問真訣
幾度拂烟霞

贈常熟顧太醫

別有仙人宅
烟霞紫翠房
八齋分帝藥
六局和神方
玉釜長生乳
金鑪不死香
山中兼種杏
世上比長桑
訪道聊騎竹
行天即化羊
千齡白雲上
還戲綵衣芳

送顧副使子韶赴辰沅

千里分符出三年
治理成妙聲
方上簡長榮
遂

自任秦方伯
差營大府高
牙建翹車
撰司征霜寒
五峽連木
落楚江清
劍客還趨
幕書生或
請纓定知
能扼
虎相以挫
奔鯨訪古
應憐賈哀
時即吊平
林芳
多蕙氣谷
響是猿聲
巒峒長虛
警和門欲
寢兵
歸耕無雜
種慕德有
遺儔暇豫
宜延眺懷
柔在
結誠何時
報天子殊
績奏承明

送栗別駕遷陝西副使

佐郡求民瘼
掄才擅國楨
人歸合浦
化時有賴
川許久著
甘棠美新
加太府名
恩餘仙史
渥詔

遣齊詞榮欲識韜鈴秋先推禮樂英山川通漢
壁關路遠秦京詞翰長楊賦軍麾細柳營受遺
循吏往官重簡兵行膏雨隨車至鮮雲擁旆迎
佇聞銷劍鐔黑水灌春耕

送歸開甫之信都

開甫以經術理長興屬余寫卓茂傳揭之廳
壁其治多準古道而不合於今之人故訕者
森若交戟三年稍得判馬政於信都殆所謂
榮駸驪而服鹽車也賦此言別兼以申其屈

云

百里長城縣山迴萬壑紆陽坡眠敵棘陰洞產
於菟紫笋披雲摘青蘭帶草鋤土風饒險勁案
牘少歡愉卓茂存心古鍾離與衆殊名高翻忤
俗道大不因愚此日騰文戟何人悔失珠九方
沉藻鏡萬匹混駒駘自是龍為友無煩鴟化鳬
周上求八駿非爾欲誰須

送董侍御還上都二十韻

代

自古安瀾久王風每易澆頻年遭戰伐萬姓用

蕭條即有侵漁蠹時緣漏網饒沒身投巨室詭
籍避常徭國稅嗟何補城狐勢轉驕天心思剪
惡聖主獨當朝簡命初無匹公才已是超左
雄簪華竦公雅使車翹霜簡題青素冰心貫赤
霄豺狼當路屏山岳一時搖烈烈持繩色稜稜
指直標奇驄千里駭豪隼九秋遙道峻威懷適
人和法令調瑕疝期盡洗姦宄會俱銷事業堪
遺範謳吟滿去軺省躬同涸轍濡沫過流潮楊
惲終淪躓虞翻竟寂寥高騫慚驚鷲易足戀鵲

鶴訓德虛冥報論心敢後凋自傷衰老質輾轉
奏長謠

贈梁石仲乙十韻

炳蔚東南美紛綸五十年同時多有閣高足久
迤邐學術梁丘賀寸華王仲宣考詞恒怫悅授
翰每聯翩秘愜玄中趣真承法外傳興來翻七
澤思遼動三川華組嬉遊盛諸生揖讓先義翰
然諾穩心向友朋偏劇論宜樽俎清謳敵管絃
花繁金谷妓雪淨剡谿船選膝移歌席邀歡狎

舞筵風期良有裕灑落竟忘筌有志唯願遲無
營任自然長驅看老驢驢首向秋天顧我非儔
匹于今獨棄捐塵形資物累孤伎復誰憐永協
丘中賞多慚海內賢乾坤乘浩蕩日月共推遷
夙忝招要德能將契分全願言叨奉引聊欲偶
羣仙

送范太守擢雲南兵備副使四十韻

佐時惟俊傑應運出忠賢妙動天人畧名將霄
漢騫初臨白雲署旋拜紫泥箋分命司南服征

麾自朔燕舉時稱伯起列郡議任延地是延陵
舊風仍太伯遷山河侔武德星紀分郊鄺俗仰
清淳理人逢訟獄平潁川威鳳下合浦去珠還
名父恩彌重文翁政益虔 聖情方恤遠廟美
在論邊重以韜鈴寄恭憑節制宣一身思恐後
萬里氣無前旌旆連平陸驂駟遠巨川共遮戾
霸轍莫挽鄧攸船稍出三吳地將窮百越天裂
繡津吏送飛檄島夷傳觸霧聯塵入梯雲絕磴
懸路刊龍額道微入象耕田通歲經寒少殊方

得氣偏澗芳千品雜春色四時金卉服逢花穠
山饒奉屬羶首渠烏鬻種部落白蠻孺舞按狼
歌陋書諳緬字便臨戎惟此日開國自何年漢
將曾誅粵秦兵久畧滇懷撫恒在德戡亂必韜
鉞公望朝端迴英謀閫外專共期元輔切思睹
秉旄旋仰德看前輩如公少並肩恢猗頻解榻
招隱尚餘薦涸轍知無援窮途每見憐登龍值
元禮相馬得方默竊忝吹噓力俄增羽翼鮮竭
來甘病廢翻欲謝連翩遠屋後蒿沒長肌任屨

身浮沉真委運寵辱已忘緣曳尾莊生道灰心
釋氏禪平生感知已今日愧空詮獨有勞歌意
蒼茫向暄烟

送王大參赴陝西三十韻

公太原陽曲人
名通行為郡守

時年二
十有九

公初為吳郡太守德化穰弘有渤海淮陽之
理遷湖廣按察副使充常鎮二郡無蒲葦魚
管蘇淞開府太倉公簡練精嚴吏士祇肅和
門寢析夷徼恬熙踰年以功擢拜陝西布政

司叅政撰日北轅徽音浸遠允文課業獎掖
切倍馳戀矧復多病無能隨送輦均耶史謹
作排律詩三十韻用申去後之思云

古晉標雄鎮扶輿鬱帝京山川呈氣色日月動
光精天與珪璋彥神資禮樂英雲霄寧易致鵬
鷺自橫行渤海聲逾迴淮陽政屢成漢庭方厚
歟何武不為名自昔諸侯貴于今一水清周陸
防卒史淳理浹懷綢邪叟甘扶送龍丘願輟耕
素心唯偃蹇公望實嶂嶸重以朝端議仍加閫

外榮雖雖輪上榮隱隱作長城
夜壁閒朱戟秋庭駐綵旌
令寬能罷警寇弭欲銷兵
新命俄雲墜高車指日征
離筵當夏首飛旂入秦并
地古多前趾天寒有戰聲
三條開廣路方軌列高閭
宮瓦仍餘賞池臺已就平
塞雲凝棟肅關月鑑帷
明懸想謀謨暇尤宜耽聽情
大才無不適孤憤竟誰鳴
困頓憐馮諼病甚長卿經
寒思墮戶爐火閉門衡
豈計瘳無日徒知愧此生
叨逢頻倒屣過與或遺錫
學淺慚窺豹知深美食萍

暖風抽宿枿膏雨發新萌酬德將何地懷賢每
若醒長謠著心曲臨水復正營

嘉靖辛酉夏苦雨三十韻

霖雨多神變無時敢自寧皇天高慘慘積氣下
冥冥急瀉俄懸瀑狂傾甚建瓴陽精疑避道水
恠忽騰飛揆漢驚遊電憑虛激壯霆二龍嬉鄭
浦一足舞齊庭浸灌踰三板沉縣過九齡桔槔
相汨沒樵竹半伶俜衾枕潺湲入階墀蚌蛤腥
遠遊妨跬步平吟任飛舲萬頃荒涼白千村點

綴青荷池填罅漏摘杖引泓停漠漠浮汀鷺飄
飄亂渚螢灰心傍田作活計守津網水府遭重
圻虹梁掩七星腐糠同泛梗崩岬雜流萍白馬
虛沉鬣蒼鷹畏濕翎繁雲時自起漲水未全停
澹瀕淪孤魄昏陰渙四溟但起猶濫楚水禁每
愆筵捐瘠爭謀食懷飢競解刑蹠財應有法歸
糴豈無經疫癘近比屋推埋偏近坵泥塗難振
拔耳目失精靈流俗知皆困長貧厭獨醒如門
言已拙非雪戶仍高失志淹遲暮哀時歎鸛鳴

古今借南宮上水利又林荒誰人脩禹績何日
損先鋤頃刻思軋土悽惶望濁涇此生那免哭
殘涕欲飄零

紫蟹次周太僕四十韻

寂寞成都宅淒涼漳水濱祇應堪委陋况乃值
蕭辰霜重疎紅果風輕獵翠蘋人情相窘迫世
路隔通津疲駟知皆騁潛虬敢自信閑籠差澤
雉涸轍類波臣歲月凋吾志泥塗悴此身如何
懷國寶六復邁時屯恬愜安浮議淹留即課畝

傳熾調羹雙渭渚釣璣人落落辭桂組依依狎
隱淪長篇俄爾出高價響然臻險韻驚孤竦清
心聽百逸報章稽黑日卧疾動彌旬未盡鈿頻
折天寒骨每峭稍披疑有託細和怯無隣韓渥
丹青逼周官蕤簞陳旁行看總總郭索笈續續
已歷何曾踰休矜宿氏輪形容難得體物色諒
虛親聊取持杯樂寧妨用意仁萬錢徒自侈一
味詎為貧酷嗜甘成癖訛烹悔失真雙螯能用
武拾穗必輸神自昔嘗遺貢于今或算緡豈惟

欺海錯曾是重蠻珍酒氣元相入橙香各處均
芙蓉開白雪琥珀泛青春足款淮南客堪留鄭
驛賓但言供酌酄直欲離風塵謀國猶思越痊
疾尚憶秦無論陶侃鰲昌歎李鷹尊豈若羨還
薄中郎醴未醇貯鹽丹炯炯在藻碧粼粼腥沫
駢珠碎寒蒲緩甲勻會須填巨壑將以奉高茵
顧晒雕虫劣何酬大雅淳遺言多鹵莽袖思日
酸辛子建才難盡陳琳氣欲泯未能燒筆硯空
愧揆麒麟

聞海賊自嘉定至太倉南門焚掠殆盡數
日兵不得進復留屯上海諸道更不發兵
因賦此作

戍烟樓上合宵拆雨中間雜虜頻侵境元戎久
駐軍猖狂還結陣殺掠動成羣百里連秦火千
家哭楚雲水容含苦霧城氣落妖氛浩蕩風塵
迴倉皇骨肉分時危寧有託天幸豈無勲何清
寰海膚功啓 大君

鼎姓誅求苦羣凶索戰豪歌斜捕快鷲踏捷塗

輕篠釘竹纒飛鏃吹刀落斷毛伏竒依灌莽出
沒混波濤募勇黃金賤徵兵赤羽勞經途稀逆
旅孤戍絕單醪麟闢靈鳥蝕星占太白高正月
元日
日食四月十五日太白晝見
是歲嘉靖三十二年也
艱虞嗟未已投筆
媿龍韜

玉蘭花

名園徵勝賞異卉絕幽經冷豔辭彫節清華出
香冥三珠開秀色九畹動芳馨細棘叢心繁輕
苞合蒂青江妃瑤珮失漢女翠梭停接月通殘

霽舍烟耿曙星分花飄雜樹懸影度空庭詎使
湘纍擷離憂賦獨醒

詠芝草

仙人十萬戶不食紫霞漿並種芝如草兼今夜
有光玉梁初孕秀金鳥已翱翔奇象成宮闕靈
真吐鳳凰與君發玄要天壽可齊將

鸚鵡

靈鳥名鸚鵡崎嶇自絕垠嬉游寧妄集羅網乍
相親惠性雖難辨奇標信可珍丹砂啣更好嵐

翠拂還新永，狎蘭房、豔娥飄綺袖。塵間關長，
匹言語、每依人、摧翮籠中老鷺。心海外、春故鄉、
徒有恨、芳樹已無日、荏苒羈孤侶。淒涼放逐，臣
更憐、補處士、感激賦娛賓。

早梅

蕪沒衆芳後，孤花照雪初。香從風處遠，影向月
中東。黃鸝驚吹落，高樓學剪餘。聊裁廣平賦，不
著屈原書。幽潔竟誰賞，端居恒晏如。

送太倉孫侯還本郡別駕

海上頻經亂秋清見廢墟九年無積粟萬姓總
為魚徭吏應時出賢侯是日除刑輕虛案續政
簡息侵漁野有新通洫園無自種蔬餼銷鉏鑄
地卑歇羽毛書化洽烹鮮美恩加展驥初陳蕃
還拜職周景即題輿別路喧追餞離杯想抹拈
去思方心劇與古定何如

周鎮卒將軍旌孝詩十六韻

天啓皇衢闢神資帝緒新應期標秀格睟日表
殊珍禮樂河間重文章子建淳白華堪以潔綵

服藹娛親大孝為名久羣公入奏頻虛懷常有
讓盛德自無鄰聖渥霑濡遠寮章日月均九天
矜錫類四海會歸仁宿昔叨弘禮淹留愧沃醪
山雲開綺閣松月照華茵濟濟清儀茂依依晏
語真間關垂晚節浩蕩隔通津急景嗟難駐驚
波感易淪投瓊竟何報挂劍已無目嗣業看鴻
胤緘書到逐臣願陪良史筆貽則在千春

寄吳中書

窮巷遯偏肥無心息漢機梧桐聊借蔭薜荔待

成帷茗氣時來麝雲陰近濕衣露滋花並吐日
落鳥分歸賦就無時賣書成換着稀唯君能好
我言別自依依

奉陪大中丞西蜀張公宴王觀察元美西
園二首

上客耀金章飛旗並海壖
整紆塵外輦聊肅座
中霜樓榭烟霄外歌鍾水竹傍
闌花舖錦席映
月透瓊嶽峰奪蓮華秀
徑繙貝葉香蕭然足真
賞灑筆頌時康

佐代推英傑山川間氣開吳都千騎出蜀國四
賢來訪德尊者舊搜奇編草萊韜衿輕起牧詞
賦狎鄒枚思遠天標外風疎谷口迴獨慚坏適
者偃蹇課追陪

端午日奉陪張中丞宴王觀察元美西園
名園依淨域勝賞集佳辰丹粟浮杯細青菰解
糗新環圖披曲几古意謝時人已狎難馴性仍
憐易病身孔璋徒草檄二豎自爲鄰未得娛終
宴空懷別後塵

送王觀察元美之武昌

宇宙登新主公卿仗老臣此時方側席寧復滯
斯人果得超賢佐堪授報主身有司勤勸駕何
日動征輪庭鵲迎人喜園花映綬新時來非用
意才大若通神逸氣消凡格虛懷見本真文章
皆通古政事每依仁藉矣聲華盛悠然德業臻
安危真足倚泉石且虛親稍挂陳蕃榻聊停鄭
驛賓共知安在起自覺啓期貧會面後稀闊居
情易苦辛青冥看勁翅涸轍歎窮鱗忌刺天心

慘艱雲晚節也蒼茫何所向回首傷松筠

詠仙女

天外白雲鄉仙鬟出異妝烟中飛翠輦霧裡度
金梁靈竇流瓊液神泉化玉漿行厨玄鹿脯分
餉紫芝梁王母來羣玉方年過括蒼千年知暨
住玄跡自難忘

送顧子韶觀察之嶺表

萬里將舸地千秋銅柱荒明王初御宇至理切
殊方重以鵷鴻序遙宣簡約章德流椎髻種威

霧卉衣鄉義壯關河近時平
劍戟藏大川消毒霧攢樹失
尖光氣候花相續巖巒路獨長
峒禽輸翡翠市粉出桄榔野淨
簑篋綠洲香橘袖黃南中今已
樂抗手一稱觴

送葛運使之杭州

聲教浹方隅昆明豈外區一心
能許國萬里即投軀不覺三年
別連分五郡符風猷從此著跋
跡未為劬復得監鹽筭還看衍
國儲莫將嫌宦拙才大任時須